



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 67. Hispani exercitus victoriæ & clades.

[urn:nbn:de:hbz:466:1-67344](#)

latisque aliquot belli tormentis Cæsa- Sæc. XVII.
 rei Leipnicum, quod paulo ante hostis A.C. 1621.
 deditioce ceperat, recuperarunt, tan-
 demque Jægerndorffium cæsis suorum
 non paucis, & maxima parte copia-
 rum intercepta e Silesia ejecerunt, a-
 missa etiam Glaza, quam Turianus
 Junior animo quam fortuna meliore,
 incassum defenderat. Demum om-
 nis redeundi spes Jægerndorffio præ-
 cisa videbatur, postquam die vigesima
 tertia Octobris Silesii Ordines Vratis-
 laviæ, nomine Cæsaris Electori Saxo-
 nico fidelitatis juramentum præstitere;
 nequicquam enim Jægerndorffius datis
 suis literis Sileios ab obsequio dehor-
 tabatur, cum econtra hi ultro pecu-
 niarum subsidia, & auxiliares copias
 Cæsari pollicerentur, quo facta pax
 per universam Silesiam promulgata est.

§. LXVII.

Hispani exercitus victoria, & clades.

Dum interea inter Hispanos, & Fœ- Meteran.
 deratos Ordines bellum ferveret, Bellus, &
 & prædationibus, mutuisque cædibus Merc. I. c.
 ac præliis certaretur, Balthasar Mara-
 dius Taborensem urbem in Bohemia
 post acerrimam integri anni obsidionem
 die decima octava Novembris ad de-
 ditionem compulit: in Palatinatu au-

Hist. Eccles. Tom. LVII. O tem

Sæc. XVII. tem Hispani Steinium, munitissimum
 A.C. 1621. oppidum die vigesima secunda Augusti
 interceperunt, Ridenam vero arcem,
 quæ ad Juliacense propugnaculum viam
 aperit, occuparunt, ditione faciente
 Titfortio Præfecto, qui propterea a
 Fœderatis Ordinibus capite plexus
 obiit. Demum vero Slufa incassum
 tentata, Consalvus Corduba Palatinis
 in fugam actis plurima Palatinatus in-
 ferioris loca suæ potestatis fecit, ac
 Juliacum obsidione cinxit, & Dides-
 heimio ditione capto Haselochium
 diripuit, incendioque vastavit, truci-
 datis maxima parte incolis. Ad Rhein-
 felsiam autem arcem Hispanæ vittoriz
 impetus stetit, cuius obsidionem præ-
 fidiariis strenue fefe defendantibus Hi-
 spani solvere coacti sunt: Auspicatus
 autem hoc anno res Hispanis in na-
 valibus præliis cessere; Rex enim Ma-
 rochi obsidens arcem ab iis constructam
 ad fluvium Mamoram prope Alarchiam,
 adventante Hispana classe, fugatus est;
 eadem quoque classis triginta duas Ba-
 tavicas naves, Venetiis reversas, e-
 lapso jam induciarum tempore aut ce-
 pit, aut demersit: vicissim vero Ba-
 tayi sex Hispanorum naves auro, ac
 pretiosis mercibus onustas occuparunt,
 tanta Regis Hispani indignatione, ut
 impunem quascunque Batavorum na-

ves intercipiendi facultatem cuiilibet Sæc. XVII.
concederet. A.C. 1621.

§. LXVIII.

Christiani Brunsvicensis Ducis graftationes.

Mense Octobri ex Saxoniæ inferioris Principibus in Palatini favorem novus Cæsar is hostis in aciem prodiit. Erat is Christianus Brunsvicensis Dux, intrusus Episcopus Halberstadiensis, qui apud Batavos posito militiæ tyrocinio, viginti annorum juvenis animo audax, ferocia præceps, atque impavidus obfectæ consortium collapsas Friderici res erigere statuit: Collecto igitur magno, quam vires illius sustinere poterant, exercitu in Palatinatum motrus, aliquot Equitum, peditumque millia ad Mindensem, Hildesheimensem, & Brunsvensem ditiones præmisit. Hi vero sub Duce ad omnem vitæ licentiam effuso, lascive, petulantque egerunt omnia, & non tam hostibus, quam civium, & rusticorum bonis bellum indixere: Quocirca Saxonici Principes, & præcipue hujus Pseudo-Episcopi Frater Luneburgen sis Dux collectis copiis in hosce prædones impotentibus furii debacchantes inopino impetu irruunt, ac subito op-

O 2 preffos